



DEPUTACIÓN PROVINCIAL DE OURENSE	
REXISTRO XERAL	
17 NOV. 2015	
N.º ENTRADA	N.º SAIDA
14943.	

AO COMITÉ DE ÉTICA DA DEPUTACIÓN PROVINCIAL DE OURENSE

José Manuel Baltar Blanco, Presidente da Deputación Provincial de Ourense, recibido en data 16 de novembro escrito asinado polo secretario accidental do Comité de Ética co visto e prace do Presidente de dito órgano, no que me traslada acordo do Comité celebrado o día 12 de novembro de 2015, fago chegar as seguintes

CONSIDERACIÓNS:

PRIMEIRA.- No acordo trasladado solicítaseme que "aporte o que considere oportun verbo da denuncia contida no escrito que se acompaña", entendendo que refírense a un escrito asinado polo voceiro do Grupo Socialista da Deputación no que pide a reunión do Comité para que debata e ditamine sobre "unha denuncia presentada", parece ser, contra míñ.

SEGUNDA.- Tal e como sinalan no seu acordo procedo a respostalo no día inmediatamente posterior á recepción do mesmo e tendo en conta o establecido no artigo 9 do Código Ético e de Conduta que literalmente establece que "garantíranse respostas áxiles e convenientemente razoadas ás solicitudes de información que lles sexan cursadas".

En virtude do exposto comunico:

1º- Que non me foi notificada denuncia algúna nin a identidade de quen a asina a día de hoxe, entendendo que o Grupo Socialista refírese a un escrito parece que presentado diante da Fiscalía de Ourense do que ignoro contido e mesmo autoría, razón pola que non podo pronunciarne.



2º- Que, de estar presentada algunha cuestión en instancias xudiciais, o que descoñezo neste intre, deben ser os órganos xurisdicionais os que coñezan da mesma e quen me notifique a mesma, coñecendo nese intre contido e persoa que iniciou o procedemento, de existir. Momento no que comunicaría tal circunstancia ao Comité de Ética da institución.

3º- Que creo en principios básicos do noso estado social e democrático de dereito como a presunción de inocencia ou a tutela xudicial efectiva, por suposto garantindo que non se produza indefensión , protexendo as liberdades públicas e os dereitos fundamentais que salvagardan o noso ordenamento xurídico coa Constitución como norma básica.

4º- Que, a instancia deste Presidente, redactouse e aprobase o Código Ético e de Conduta desta Deputación, regulando o Comité ao que me dirixo nos artigos 14, 15 e 16 de dito Código. Por certo, subliño que coa non participación e voto en contra do Grupo que presenta o escrito “denuncia de denuncia” que orixina esta contestación.

5º- En ningún momento este Presidente incumplió o Código Ético e de Conduta desta Deputación Provincial. En ningún momento.

6º- Aos efectos do sinalado no punto anterior, lembro que o seu artigo 16 establece, entre as súas funcións, que “atenderá as posibles denuncias que se formulen consonte coa existencia da citada norma e o seu posible incumprimento”. E que o Código Ético e de Conduta publicouse no Boletín Oficial da Provincia nº 104, do xoves día 8 de maio de 2014, establecendo a súa disposición final a publicación e réxime de recursos, que non se produciron, rematando a posibilidade de recurrir en dous meses dende o día seguinte ao da publicación, entendo que o 8 de xullo de 2014.



Polo indicado, estimo que, de existiren unha denuncia, para falaren de incumprimento do Código Ético e de Conduta, habería que coñecer con exactitude si os feitos denunciados se produciron con data posterior ao 9 de maio de 2014 (día seguinte ao da súa publicación integra no BOP), tendo en conta outro principio constitucional, contido no artigo 9.3 do texto da Carta Magna, como o da irretroactividade das disposicións sancionadoras non favorables ou restritivas de dereitos individuais. E ignórarse o denunciado e, por suposto, a data dos presuntos feitos denunciados, dato fundamental para coñecer si o Comité de Ética pode avaliar a cuestión e abrir o oportuno procedemento para determinar si existe ou non posible incumprimento do mesmo e informar ao Pleno da Corporación.

7º- Que quede constancia do rexeitamento total dunha forma de “facer política” como a que orixina esta petición de información, conculcando dereitos e principios fundamentais como os que citei neste escrito. A política é outra cousa.

En base ao expresado,

SOLICITO ao Comité de Ética da Deputación de Ourense que teña por evacuado o trámite requerido no que manifesto o descoñecemento de denuncia algunha, ignorando polo tanto contido e autoría da mesma, razóns que impiden que me pronuncie sobre o eventual escrito existente e que o Comité de Ética poida acreditar incumprimento algúin non só atendendo aos presuntos feitos denunciados senón tamén pola data dos mesmos, falta de concreción determinante para resolver a inexistencia de incumprimento algúin, circunstancia que nego absolutamente.

En Ourense, a 17 de novembro de 2015.

Asdo: José Manuel Baltar Blanco